

Communicaziun a las medias BCG

Quint annual da la BCG 2016: confermà il bun resultat

Cuira, ils 10 da favrer 2017 – La Banca Chantunala Grischuna (BCG) preschenta per il 2016 in resultat stabil. Quel vegn influenzà da differents facturs spezials, tranter auter da la cumpra e vendita da participaziuns. A moda legraivla è sa sviluppada la creschientscha en la facultad dals clients ed en la fatschenta ipotecara. Il gudogn dal concern è cun CHF 168,5 miu. sin il nivel da l'onn precedent (+0,2%). Da quai profitan il chantun ed ils participants era quest onn cun ina distribuziun da CHF 95,0 miu.

Las cifras distinctivas:

- emprests a la clientella +3,0% / ipotecas +5,8%
- facultad dals clients -7,3% / excl. vendita Private Client Bank: +1,9%
- afflussiun da novs daners: CHF 0,3 mia. / +1,1%
- resultat da fatschenta: CHF 156,5 miu. (-12,6% / senza facturs spezials: +1,0%)
- gudogn dal concern: CHF 168,5 miu. (+0,2%)
- relaziun da custs e d'entradas II: 50,2% (senza facturs spezials)
- relaziun Tier 1 / relaziun CET 1: 18,6% (onn precedent: 18,7%)

Il 2016 ha la Banca Chantunala Grischuna mess accents strategics impurtants per l'avegnir. «Las restructuraziuns da las participaziuns da la banca a la Banca Privata Bellerive AG (BPB) ed a la Private Client Bank (PCB) sco era la cumpra d'ina participaziun minoritara a l'Albin Kistler AG furman la basa per in'ulteriura diversificaziun dals retgavs», di il president da la banca Peter Fanconi. «Noss sguard retrospectiv sin l'onn da gestiun 2016 è positiv. Ultra d'in resultat da fatschenta solid rinforza l'introducziun dal mandat da la cussegliaziun digitala nossa posiziun sco banca d'investiziuns», commentescha il CEO Alois Vinzens il resultat annual.

Emprests a la clientella: ina creschientscha solida da 3,0%

L'augment dals emprests a la clientella munta a 3,0%. En il champ da las ipotecas (+5,8%) ha la BCG realisà cun ipotecas extrachantunales d'emprima classa ina contribuziun al gudogn da 3,6%. Uschia ha ella pudì cumpensar la dinamica main ferma en la fiera da chasa.

Facultad dals clients: CHF 0,3 mia. afflussiun da novs daners

Cun la vendita da la PCB per il 1. da schaner 2016 è la facultad dals clients sa sminuida levamain sin CHF 27,9 mia. La performanza (CHF +0,2 mia.) e l'afflussiun da novs daners (CHF 0,3 mia.) han pudì cumpensar questa tendenza. Il svilup da novs daners nets da CHF 309,2 miu. è per l'emprima giada dapi onns puspè positiv. Ils sculs monetars da facultad da clients esters èn sa reducids ad in minimum suenter la superaziun dal passà per gronda part concludida.

Resultat da la fatschenta da tschains: l'ambient da tschains negativ engrevgescha la situaziun

Il resultat da la fatschenta da tschains (CHF 239,6 miu.) è s'augmentà per 4,0% sin fundament dals custs regressivs da las fatschentas da garanzia. Las rectificaziuns da la valur han engrevgià il resultat da la fatschenta da tschains cun la summa minimala da CHF 0,2 miu. Cumpareglià cun l'onn precedent munta quai ad ina facilitaziun da CHF 0,2 miu. Il dumber da credits cun retard dal pajament (non performing loans) è sa sminuì. La quota da 0,22% sa chatta sin in nivel istoricamain bass. Il resultat da la fatschenta dal tschains brut è s'augmentà per 3,9%. L'ambient dal tschains negativ ha influenzà vinavant ils affars da clients. Qua tras è la contribuziun al gudogn restada vinavant regressiva, malgrà ch'il volumen è s'augmentà.

Fatschenta da cumissiuns e da commerzi: la contribuziun al gudogn da la PCB manca

Il resultat da la fatschenta da cumissiuns e da commerzi è sa reduci cun la vendita da la PCB per 15,2%. Sche l'influenza da la PCB en l'onn precedent vegn eliminada, sa minimescha il gudogn sulettamain per 3,9%. La lantschada dal mandat da cussegliaziun en la fatschenta d'investiziuns n'ha betg pudì cumpensar cumplainamain il regress en las transacziuns da vaglias. Ils retgavs en valutas estras han profità l'onn precedent da l'aboliziun dal curs minimal da l'euro.

Custs da fatschenta: la productivitat resta auta

Ils custs da fatschenta inclusiv l'indemnisaziun da la garanzia statala èn sa sbassads per 0,3% cumpareglià cun l'onn precedent. La mancanza dals custs da fatschenta da la PCB stattan en confront cun in deposit unic da CHF 5,5 miu. en la fundaziun da prevenziun en favur dal persunal. Il deposit diminuescha ils effects finanziaels da la reducziun da las tariffas da conversiun en la prevenziun professiunala da collavuradors da blers onns. La relaziun da custs e d'entradas II è restada senza quest factur spezial tar 50,2%. En consequenza da l'iniziativa da digitalisaziun èn s'augmentads las expensas per il project ed ils custs da gestiun d'IT.

Resultat da fatschenta: CHF 156,5 miu.

La sminuziun dal resultat da fatschenta da 12,6% na represchenta sin fundament da facturs speziaels betg correctamain la prestaziun operativa. Il resultat operativ cumparegliabel è creschì senza ils facturs speziaels (transacziuns da participaziun e deposit en la fundaziun da prevenziun en favur dal persunal) effectivamain per 1,0% sin CHF 174,9 miu. Il resultat da fatschenta cumpiglia ultra d'ina correctura da la valur monetara regulara er ina correctura iniciala sin la participaziun acquistada (amortisaziun da goodwill). Ils gudogns extraordinaris da la restructuraziun da las participaziuns a la BPB/PCB han damai pudì vegnir duvrads per cumprar las aczias da l'Albin Kistler AG. Il resultat excellent en il champ dals ristgs operativs sa mussa en ina liquidaziun netta da las reservas da CHF 0,9 miu.

Tegni il gudogn dal concern

Il gudogn dal concern preschenta resta, suenter la midada da las reservas per las ristgas da banca generalas, cun CHF 168,5 miu. quasi stabil cumpareglià cun l'onn precedent (+0,2%). Las expensas per il project da CHF 2,9 miu. en connex cun l'iniziativa «Digital Banking 2020» ha la banca finanzia cun las reservas da banca liadas a las investiziuns per l'avegnir. Il deposit en la fundaziun da prevenziun en favur dal persunal (CHF 5,5 miu.) n'ha medemamain gì nagins effects sin il gudogn dal concern. L'import respectiv deriva da las reservas per ristgas da banca generalas.

Dotaziun d'agen chapital: la quota dal chapital essenzial da 18,6% è eccellente

La BCG ha la finamira da sa differenziar positivamain dal martgà cun ina dotaziun d'agen chapital surproporziunala. La quota da chapital validada munta a 18,6% (relaziun CET 1) e sa cumpona cumplainamain da chapital essenzial ferm. Cumpareglià cun la quota pretendida dal dretg da controlla da 12,8% dispona la banca damai da grondas reservas d'agens meds.

Distribuziun: CHF 100,1 miu. per il chantun, ils participants e la publicitad

Sin fundament dal bun resultat paja la BCG era quest onn ina dividenda da CHF 38. La relaziun da pajament munta en la sedia principala a 53,5% e cuntanscha damai la dimensiun aspirada da 50 fin 60%. En total vegnan distribuids via las dividendas CHF 95,0 miu. al chantun Grischun ed als participants. Al fond da contribuziun per projects nuncommerziels dals champs cultura, util public, sport, economia, turissem e societad èn vegnids assegnads CHF 2,2 miu. Il chantun Grischun survegn inclus l'indemnisaziun da la garanzia statala CHF 83,0 miu. (+CHF 0,1 miu.).

Sguard en l'avegnir: la banca quinta cun in gudogn dal concern pli aut il 2017

La Banca Chantunala Grischuna quinta per il 2017 cun in gudogn dal concern stabil. Il svilup dal resultat da fatschenta vegn influenzà positivamain pervia dals facturs speziels mancants, uschia ch'igl è da spetgar cun in gudogn dal concern levamain pli aut da CHF 156 fin 160 miu. Sin fundament dals gudogns extraordinaris pli bass quinta la banca cun in retgav pli bass da CHF 64 fin 67 per scrit da participaziun. En l'affar da clients quinta la BCG per il 2017 cun ina creschientscha da CHF 400 miu. en ils emprests a la clientella e cun in'afflussiun da novs daners da var CHF 350 miu.

Contact per collavuratur da medias ed investiders:

Banca Chantunala Grischuna, Medias & Investor Relations, Chascha postala, 7001 Cuira

Thomas Müller, thom.mueller@gkb.ch, telefon +41 81 256 83 11

Plutarch Chiotopulos, plutarch.chiotopulos@gkb.ch, telefon +41 81 256 83 13

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa l'015 collavuraturas e collavuratur (stadi dals 31-12-2016). En il chantun Grischun cun sias numerusas vals e pliras linguas, è l'interpresa represchentada cun 60 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a l'Albin Kistler AG medemamain a Turitg. En il resultat annual preschenta ella cun ina summa da bilantscha da CHF 23,762 milliardas in gudogn dal concern da CHF 90,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Radunanza dals participants:	8 d'avrigl 2017
Rendaquint semestral 2017:	27 da fanadur 2017
